

家譜小引

清源。泉郡名山也。其西北之峯。境屬南安。入門。五世祖琳芝公。子孫居之。築廬於南安之雙路口。即清源西北峯。羣聚州處。相繼絕紀。稱望族也。今攷世系。必求水源。本庶得而實紀焉。我奮鎮開基祖光德公。南安裔也。配妣趙氏。生四子。長景華。次景忠。三景和。四景安。住居於南安雙路口。不幸公逝。母子相依。適遭元亂。羣雄蜂起。兵燹孔熾。當道即中行省。相帖穆爾。守漳郡。迭里彌實。守泉路。兩項誅求。增納粟米。傷於財。奉行力役。困於征。當斯時也。誰不歎適彼樂國乎。時蓋元至正二年也。子焉挈家遠颺。負骸而走。自泉至漳。由漳而浦。求所為鞭長不及之地。於以息肩而托足焉。斯已幸矣。顧瞻周道。南至海濱。地名舊鎮。見夫山峰拱峙。潮水環繞。為舟楫往來之區。商賈貿易。

之所擬於泉之清源與有光焉。于是
居。苟安數載。延師擇地。卜葬公骸。於後港尾
眠牛之山。坐癸向丁。形類左仙弓。祖塋在焉。
時祖妣趙氏。念先墳既妥。而桑梓縈情。乃
率景和。景安。二公。回泉州。南安。雙路口基焉。
于今祀妣我鎮。獨祀考也。開鎮祚者。惟景華
公。景忠公。二祖也。景華公。生三子。長佑。助。字仕
俊。次仙福。字仕傑。三茂山。字仕明。開長房祚也。
景忠公。亦生三子。長仕英。次仕。三仕。開次
房祚也。遂傳昭穆韻譜曰。景仕邦。乾敦華太
汝以君。迨奉明正朔。改元洪武。於九年。編戶
定賦。在七都二圖十里。戶名鄭汝太。配軍籍。
欽詔湖廣承天衛當軍。爾時兄弟推諉。即將
所有山地產業。議作四分均分。勇而當先者。
得四分中之一。怯而不敢者。得四分中之一。其
房不敢與事。願得一分。是以仕俊公等共為一。

房也。次房應赴。將三分之業。即開為三分。是以
仕英公等有二三四房之分也。第軍征之終
仕英公材力不堪。囑弟前赴。讓以房分。仕
賢公不畏難鉅。帶社。黃氏同往効力。軍名鄭
佑助。捍禦有功。幸膺末職。任以而故。賴仕
榮公隨彼為評事。偕其子邦育公負骸回
籍。斯時伯叔兄弟弗爽。前約遂以邦育公
為次房。仕英公為四房。房分雖有改易。其
實出自二世祖。景忠公也。今祭二世祖墓。
則仕英公派仍為宗孫。仕賢公派原為季
子。而祀初祖廟。則仕傑公派咸居長房。仕
英公等派即分為二三四房。蓋自三世時交
易已。然子子孫孫不敢越俎。僭分也。所有五
房者。係景和公之孫。邦群公隨子乾禮公。仕
雲霄巡檢。任滿將回於泉。道經舊鎮。眷戀

鄉土。即與諸父昆弟偕居是地。不忍相棄。雖
曰他鄉倚附。而實光德公所自出也。時抽
出山地。產業。炤房分掌。無輕重之殊。此五房
之由來。端在於斯。一本淵源。昭穆彰彰較
著也。我三房者。原景忠公次子。仕賢公裔
也。公自湖廣同邦育公回。遂為三房。妣董氏
生一子。邦彥公配李氏蔡氏生四子。乾禧。乾元。乾香。
乾慎。住居于鎮北之楓樹嶺。經營農圃。拮据
堂室。既而公逝。董氏躬督孫子。力耕勤讀。以
承先志。越正統十四年己巳。沙寇鄧茂七率夥
蔡孟貞為崇沿邊。殃及鎮人。我族逃散。是
以乾香公遁跡于碧溪。乾慎公寄寓於香山。
後遂籍焉。而不思歸故里。今在鎮開三房
祚者。惟乾禧。乾元二公也。厥後支庶繁衍。遂
置祠宇。以安先靈。至嘉靖三十一年壬子。長